

山川典第五十二卷

具茨山部彙考


山海經之大騶山

水經注之具茨山

具茨卽大騶也世傳黃帝登此山受神芝圖於黃蓋童子其事似近荒渺然按山海經及水經注與各志書言具茨者多引此爲證似亦未可盡非今此山在河南開封府境內壓禹州新鄭密縣地上猶有軒轅廟及避暑洞疑卽黃帝舊跡云

具茨山圖





考

按山海經中山經敏山又東三十里曰大騶之山音歸其陰多鐵美玉青瑩有草焉其狀如蓍而毛青華而白實其名曰獲服之不天可以爲腹病注今滎陽密縣有大騶山騶因溝水所出爲治也一作

已 聲例之山又東五十里曰大騶之山其陽多赤金其陰多砥石

按漢書地理志河南郡密注故國有大騶山潁水所出南至臨潁入潁師古曰此密卽春秋僖六年

圍新密者也蓋鄭地騶音隗潁音翼又音昌力反

按後漢書郡國志河南尹密有大騶山注山海經曰大騶之山其陰多鐵多美瑩有草焉狀如蓍而

毛青華而白實其名曰獲服者不天

按水經潁水出河南密縣大騶山注大騶卽具茨山也黃帝登具茨之山升于洪堤上受神芝圖于

黃蓋童子卽是山也溪水疑作潁水出其阿而流爲陂俗謂之玉女池

按隋書地理志滎陽郡新鄭注有大騶山

按路史前紀大騶氏見於南密或曰泰塊昔者黃帝訪泰塊於具茨一曰大隗蓋設於无垓坵之宇

而臺簡以游泰清者後有隗氏大隗氏

注

河南密縣有泰隗山記謂大隗氏之居卽具茨也中山經

次七敏山之東三十里大隗山又次十一有大隗山注滎陽密縣大隗山也卽具茨今在許之陽翟
集韻具茨山一作次痰詳黃帝紀言歸大隗卽大隗氏

後紀黃帝訪大恢於具茨

注

大恢卽大隗也具茨卽今大隗山在陽翟一曰泰塊司馬云在滎陽密

東

按潛確類書區字部具茨山在開封府新鄭縣黃帝登具茨受神芝圖於黃蓋童子卽此上有軒轅
避暑洞

按河南通志山川具茨山在新鄭縣西南四十里一名大隗山山海經謂之大隗山又水經注黃帝
登具茨之山升于洪隄上受神芝圖于黃蓋童子卽是山也渠水出其阿而流爲陂俗謂之玉女池
今其山有軒轅避暑洞又其巔有風后嶺下有白龍湫每旱禱雨輒應

按開封府志山川具茨山

語同通志

大鴻寨山禹州東北四十里卽具茨之別峯與密縣新

鄭相錯昔黃帝臣大鴻氏屯兵于此故各

按新鄭縣志山川大隗山一名具茨在縣西南四十里山海經爲大隗山水經注云黃帝登此山升於洪堤受神芝圖於黃蓋童子 白龍湫在大隗山禱雨輒應 避暑洞在大隗山畔世傳黃

帝避暑於此

古蹟御花園在大隗山畔相傳爲黃帝種花處未詳今石垣略存

祠廟軒轅廟在縣西大隗山巔今廢

寺觀古禪寺在縣西大隗山南麓

水月寺在大隗山前

南崖宮在大隗山祀黃帝岐伯雷

公

名景大隗晴嵐

按禹州志山川具茨山在郡北四十里一名大隗山水經注黃帝登此升于洪堤受神芝圖於黃蓋童子今其山有軒轅避暑洞

墳墓宋楊文公億墓在具茨山下大隗鄉永安里

明馬端肅文升墓在郡北十五里具茨山麓

勅修

名景大隗層巒舊志在郡北四十里遠望之峯巒層出

按密縣志山川大隗山山海經次七敏山之東三十里大隗山注滎陽密縣之大隗山卽具茨大隗
真人居之 潁水一名魯姑河一名清流河水經出河南密縣大隗山注大隗山卽具茨也

具茨山部藝文

詩

具茨山

明阮漢聞

茲山盤躑郊絡繹連嵩門西南開黛色曖曖迎朝曦幽巖隱洞壑陽嶂資陵園冥濛翠微表灑落漢
泉歎雲端攢秀嶠林際窺仙源上古有真人身晦道彌尊肇來軒后駕虛心求至言鼎成御飛龍還
廻升閭闔往牒信可稽遺墟無復存惟有桑榆日嚮夕照秋原

大隗鎮

前人

穰穰隗山前烟火千家聚東引原圃區西指轅轅路耕鑿資食飲頗存上世風雞犬聞比屋爲市當
日中所市伊何物榛栗兼梁菽或以實籩豆或以炊餠粥秉耒凌晨出荷鋤暮夜歸田作不知勞卒
歲樂無饑我友厭城喧御母來居此家承北阮貧德類亢倉子著述從所好巾帶亦隨時身旣稱隱

矣焉用更文之生耳聆是言喏然發一笑斤斤致尸祝何敢同塵調黃公壚有酒漁父包有魚沉醉
形神親寧復顧其餘

大隗層巒

徐明善

碧嶂濛濛翠欲流雨收石溜瀉林丘日光冷射層巒秀雲氣晴薰古洞幽訪道軒轅遺跡舊至人大
隗有神留恍如遠眺匡廬景擬欲巢松最上頭

前題

趙三聘

大隗仙人何處遊軒轅問道有丹丘千尋碧嶂冲霄起萬壑晴光映日浮鶴去巢懸天際月龍歸雲
度海天秋鼎湖已遠山仍麗呵護神應在上頭

前題

李虛雲

山嵐欲濕彩雲蒸縹緲峯巒知幾層問道軒皇曾受籙尋蹤著屐想攀登

前題

連憲武

軒皇遺跡杳難攀訪道曾聞大隗山千載鳳來猶集此層巒阿閣白雲間

前題

姜分司

晴嵐闕珠宮春峯隨蓮朶鶴駕不歸來洞門爲誰鎖

具茨山部紀事

莊子徐無鬼黃帝將見大隗於具茨之山方明爲御昌寓驂乘張若謫朋前馬昆闡滑稽後車至於襄城之野七聖皆迷無所問塗適遇牧馬童子問塗焉曰若知具茨之山乎曰然若知大隗之所存乎曰然黃帝曰異哉小童非徒知具茨之山又知大隗之所存請問爲天下小童曰夫爲天下者亦若此而已矣又奚事焉予少而自遊于六合之內予適有贅病有長者教予曰若乘日之車而遊于襄城之野今予病少瘥予又且復遊於六合之外夫爲天下亦若此而已予又奚事焉黃帝曰夫爲天下者則誠非吾子之事雖然請問爲天下小童辭黃帝又問小童曰夫爲天下者亦奚以異乎牧馬者哉亦去其害馬者而已矣黃帝再拜稽首拜天師而退

新鄭縣志大隗真人軒轅時棲大隗山黃帝訪之遂授以九芝圖後不知所往山舊名具茨以真人號故名

密縣志莊子南華真經云黃帝聞廣成子在崆峒之上故往見之大隗亦謂之崆峒也

禹州志晉盧損爲祕書監拜章辭位乃授戶部尙書及致仕退居潁川李穉年將九十善服氣導引損以穉之遐壽有道術酷慕之乃以潁川迫城市卜居陽翟立隱舍誅茅種藥山衣野服逍遙於林泉之間出則柴車鶴氅自稱具茨山人晚年與同遊五六人於大隗山中大仙觀疏泉鑿壩爲隱居之所誓不復出但山氣多寒遂至被病而卒卒時年八十餘齒髮不衰而有壯容

唐書憲宗本紀元和八年五月丁丑大隗山崩

五行志永貞八年五月陳州許州大雨大隗山摧水流出的溺死者千餘人

盧照鄰傳照鄰字昇之范陽人調新都尉病去官客東龍門山疾益甚足攣一手又廢乃去具茨山下買園數十畝疏潁水周舍復豫爲墓偃臥其中著五悲文以自明病既久與親屬訣自沈潁水

禹州志宋楊億字大年建州浦城人七歲能屬文年十一太宗詔試詩賦五篇下筆立成太宗深加賞異授祕書省正字特賜袍笏會從祖徽之知許州億依焉後官至翰林學士有別業在許之陽翟

歿年五十七葬陽翟具茨山下子孫遂爲陽翟人

按葬具茨山宋史楊億列傳不載

新鄭縣志金丁氏年十六嫁進士張晉卿靖康中亂與夫避於大隗山賊至被擒上馬丁投地以醜語詆之且曰我寧就死誓不辱於汝輩也罵不絕口賊大怒斃於槌下

薛瑄許魯齋祠記新鄭縣西大隗山之左里曰陽緩元魯齋先生許文正公所生地也

禹州志明馬文升字負圖位極人臣名聞中外議者謂忠鯁如汲長孺勳名如郭汾陽相業可比韓稚圭范希文卒贈太師諡端肅賜葬于郡北二十里具茨山之原 郡北具茨山下有潭水深不

可測側有孫氏數家某常戒其宗人曰潭有龍不可褻也宗人不聽一日滴穢污于潭上見小蛇浮水而共訝之某曰安知非龍宗人不聽仍棒之蛇去須臾雲起潭中疾雷走電雨下如注潭水溢數十丈至夜房屋漸沒宗人急趨車房須臾水自房孔中入電光燭之見鬼負甕灌房忽二人共扶某登樹且曰閉爾目某竊視之皆鬼怪也見庭除若水牛狀者數十負車輦水房與人俱空矣惟某一家無恙民至今傳其事呼爲龍潭孫家

新鄭縣志馬進朝本縣人中年去妻子結廬大隗山辟穀不食每至數月能預知休咎時徽王欲訪之朝已先知避去不知所往後六十餘年爲黃冠狀乞食其家遺一瓢去後其子憶爲父舊物始知

爲朝追之無及矣

張燧天性孝友母許氏卒廬墓三年朝夕哭奠蘆花蓮鵲集肩羣盜謀害感化而去制終有司以聞旌其門當膺明經選不就隱居大隗山而終

密縣志明靳於中字爾時尉氏人幼有至性博學善屬文萬曆戊戌進士歷官工部尙書善政不能殫述然心厭華靡以養親告歸卜築別墅於大隗山隈人皆稱爲靳若鑿池種竹揮翰賦詩與阮太冲徵君相娛樂遂籍密焉子滋昂負奇質以聖賢爲可學而至弱冠辭廩餼因進所悟性命大旨於尙書公公喜曰爾超我一等矣昂山居日以存神養和爲事當流寇猖獗往來砦下戒不敢犯四方避兵者存活以數萬計如黃巾過康成里云

具茨山部雜錄

金劉文饒修德觀問道碑記南華真經云黃帝聞廣成子在崆峒之上故往見之又云黃帝將見大隗于具茨之山至襄城之野七聖皆迷遇牧馬童子問途焉按圖考之密縣東南有大隗山大隗之西有具茨山又南有襄城遇牧馬童子其在斯乎大隗東北有廣成廣成子隱居之地大隗亦謂之崆峒見廣成子其在斯乎襄城西北有古觀廢基俗謂之鵬崖觀蓋遇牧馬童子之處也廣成西有

修德觀蓋廣成子之處也而俗言唐季移鵬崖觀于此者其言無據鄭古有熊之國黃帝所都其見廣成子宜其往返不一莊氏之云隨其所遇而言之或謂黃帝都涿鹿西至崆峒而史遷謂其遷徙往來無常處謂此也然世之言莊子者皆曰寓言觀此豈寓言哉

密縣志大隗山注云荒古之初有大隗氏帝王耶真人耶吾烏乎知之漆園更復言具茨見大隗事七聖共迷襄野夫黃帝都軒轅丘去大隗才十里餘何爲南駕輒迷當日兵師爲衛僅七聖乎而須牧馬童子問塗耶如果不爽則大隗久居前代黃帝安得起徂落而見之固知南華寓言亦真人號所防也今大隗亭亭雲表正奠新鄭坤方第突秀凌空椒耳東不數里脈隱矣密大隗鎮左盼青蒼撲人眉睫昔置軍鎮於其陰遂肇嘉名自鎮升椒鮮不繇麓從興隆寺東南取徑曰紅石崖曰土峪溝坡堰蜿蜒皆麓則皆隗皆隗則皆密隗實互之密實襟之安得但指仙的爲隗而魁卓介丘駢駢欲東者非密封乎新鄭人以風后頂名椒然則大隗真人外風后又當居之今禹密間指某大隗某具茨皆謬

汜水縣志黃帝有熊氏都於軒轅之丘後名具茨或大隗卽汜東南山之綿互處也

具茨山部外編

山海經中山經凡苦山之首自休與之山至于大隗之山凡十有九山千一百八十四里其十六神者皆豕身而人面其祠毛牯用一羊羞嬰用一藻玉瘞

伊闕山部彙考

左傳之闕塞

水經之伊闕

伊闕山在今河南府城南二十五里兩山相對伊水中流望之若闕故以伊闕名左傳名闕塞俗名龍門又名龍門龜

伊闕山圖

